

H_z. Sigismund beglaubigt seine Räte Gf. Heinrich von Lupfen, Hans von Kronmetz und Hans Kripp zu dem vom Papst anberaumten gütlichen Tag mit den Räten des NvK.

Or., Perg. (S. fehlt): INNSBRUCK, TLA, UI 8978.

Regest (W. Putsch, 16. Jb.): INNSBRUCK, TLA, Rep. 6 p. 861.

Erw.: Jäger, Streit I 344; Boockmann, Laurentius Blumenau 168f.; Hallauer, Bruneck 384 (ND 2002, 158).

Wir Sigmund von gottes gnaden herczog ze Osterreich, ze Steir, ze Kernden und ze Krain, grave zu Tirol etc., bekennen, als unser heiliger vater der babst uns yeczund geschriben hat¹⁾ von wegen der misshelung zwischen dem hochwirdigen herrn Niclasen der heiligen Romischen kirchen cardinal und bischoven zu Brichsen und uns, also das wir nach innhalt unser baiders verschreibung²⁾, so wir zu baiders seitt geneinander haben, ain gutlichen und unverpunnden tag nach lautt der egenanten verschreibung auf den ersten tage des monedts jenner verwilligten, also das er drey und wir drey zu solhen tag sennden, wie dann das solh egemelt verschreibung innhalt. Solhenn gütlichen tag wir willig sein nachzekomen und haben unsers tails zu solhem tag geordent den edlen graf Heinrichen von Luphen³⁾, unnsern lieben oheim, und unser liebe getrewn Hannsen von Kronmetz⁴⁾ und Hannses Krippen⁵⁾, unser rête, und den unnsern ganczen und vollen gewalt gegeben und geben auch in krafft des briefs, solhen tag zubesuchen und die sachen und misshelung zwischen dem obgenanten cardinal und unser sich haltend mitsambt den seinen, so er darczu schikhen wirdt, furzenemen und versuchen zuentschaiden, in maß die egenanten verschreibungen solhs ausweisen. Und was dieselben rette als von unsern wegen darinne handln und tun nach lautt derselben verschreibungen, dem wellen wir nachkomen ungevêrlich. Mit urkundt des briefs.
15 Geben zu Insprukg an sant Silvesters tag nach Cristi gepurd im vierczehenhundert und dem sechczusstenn jare.

d.d. in consilio

¹⁾ S.o. Nr. 6069 (1459 Dezember 17).

²⁾ Nr. 3788f.

³⁾ Gf. Heinrich IV. von Lupfen, Rat H_z. Sigismunds; s.o. AC II 7, 2068 s.v.

⁴⁾ Hans von Kronmetz, Hofmarschall und Rat H_z. Sigismunds; s.o. AC II 7, 2082 s.v.

⁵⁾ Hans Kripp, ehemaliger Küchenmeister und Rat H_z. Sigismunds; s. AC II 7, 2082 s.v.